

Na osnovu člana 33. stav 4. Statuta Općine Novi Grad Sarajevo ("Službene novine Kantona Sarajevo", broj 30/09 - Novi prečišćeni tekst), Općinsko vijeće Novi Grad Sarajevo, na 27. sjednici održanoj 28.5.2015. godine, donijelo je

RJEŠENJE

O IZBORU ZAMJENIKA PREDSEDAVAJUĆE OPĆINSKOG VIJEĆA NOVI GRAD SARAJEVO

I.

Hamza Zornić, izabran je za zamjenika predsjedavajuće Općinskog vijeća Novi Grad Sarajevo.

II.

Rješenje objaviti u "Službenim novinama Kantona Sarajevo".

Broj 01-02-11606/15
28. maja 2015. godine
Sarajevo

Predsjedavajuća
Općinskog vijeća
Edina Gabela, s. r.

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo" br. 30/09 - Prečišćeni tekst), Općinski načelnik, dana 11.06.2015. godine, verifikovao je i donio

ODLUKU

O KOREKCIJI IZMJENA I DOPUNA REGULACIONOG PLANA "OTOKA - MEANDAR" (PARCELA DŽAMIJA ISTIKLAL, PARKING I ZELENA POVRŠINA)

Član 1.

Utvrđuje se Korekcija Izmjena i dopuna Regulacionog plana "Otoka - Meandar" ("Službene novine Kantona Sarajevo", broj 26/08), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za formiranje parkinga i zelene površine, kao i određivanje parcele za džamiju Istiklal, prema sljedećim urbanističko-tehničkim uslovima, odnosno na način:

- Parking prostor planiran je na mjestu ranije planiranih zelenih površina, na način kako je prikazano u graf. prilogu br 3. Ovim rješenjem obavezano je 51 parking mjesto, kojem se pristupa na način kako je prikazano u graf. prilogu br. 3.
- Kako bi se sačuvali pješački tokovi ispred sjevero-istočne tribine i poslovnih prostora u njoj, ista se sužava za 1,20 m, kako je prikazano u graf. prilogu br. 3. Planirano stanje -

Urbanistički koncept - Korekcija, a građevinska i regulaciona linija su definisane u graf. prilogu br. 6 Analitička obrada građevinskih parcela.

- Građevinska parcela za džamiju Istiklal određena je na način kako je prikazano u graf. prilogu br. 3 Planirano stanje - Urbanistički koncept - Korekcija i graf. prilogu br. 6. Analitička obrada građevinskih parcela. Na zelenoj površini iza objekta džamije ne odobrava se izgradnja bilo kakvih objekata niti postavljanje privremenih objekata.
- Izgradnja i uređenje svih zelenih površina vršit će se na osnovu odgovarajuće Izvedbene dokumentacije, koja je u skladu sa Idejnim rješenjem hortikulture-graf. prilog br. 5 Hortikulturno rješenje - Korekcija, te odrednicama datim u tekstualnom obrazloženju Korekcije Plana.
- Ne odobrava se izgradnja bilo kakvih objekata na zelenim površinama niti postavljanje privremenih objekata koje nisu u skladu sa funkcijom koju ta kategorija zelenila treba da ostvari.
- Odobrava se postavljanje odgovarajućeg urbanog mobilijara, koji treba da je u skladu sa Izvedbenom dokumentacijom za fazu hortikultura.

Član 3.

Korekcija Plana sastoji se iz tekstualnog dijela i grafičkih priloga.

Tekstualni dio i grafički prilozi korekcije Plana su sastavni dio Izmjena i dopuna Regulacionog plana "Otoka - Meandar" ("Službene novine Kantona Sarajevo", broj 26/08).

Član 4.

Korekcija Plana je rađena za fazu urbanizma i hortikulture, a obaveza investitora je da za faze komunalne infrastrukture i saobraćaja izvrši usaglašavanje Korekcije Plana sa Idejnim rješenjima, koja su sastavni dio Izmjena i dopuna Regulacionog plana "Otoka - Meandar", te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Novi Grad, a naknadno će se objaviti u "Službenim novinama Kantona Sarajevo".


Broj 02-05-17463/14-3
11. juna 2015. godine

Općinski načelnik
Mr. Semir Efendić, s. r.

**KOREKCIJA IZMJENA I DOPUNA REGULACIONOG PLANA
"OTOKA - MEANDAR"**

PLANIRANO STANJE - URBANISTIČKI KONCEPT R 1:1000

- ZONA KOREKCIJE
- POSTOJEĆI OBJEKTI
- GRAĐEVINSKA LINIJA PLANIRANIH OBJEKATA,
DOGRADNJA I REDIZAJN NA KOTI 0,00 m
- GRAĐEVINSKA LINIJA PLANIRANIH OBJEKATA
NA KOTI MIN. + 4,50 m
- GRAĐEVINSKA LINIJA PODZEMNE GARAŽE
- REGULACIONA LINIJA GRAĐEVINSKE PARCELE
- POPLOČANJE SA VANJSKIM UREĐENJEM
- KOLSKI SAOBRAĆAJ
- ZELENILO
- MILJACKA



LIST BR. 3

ZAVOD ZA PLANIRANJE RAZVOJA KANTONA SARAJEVO